

କେଳିକାହାଣୀ



ଘଣ୍ଟାଘର

තෙලකවාහගාථා

නමො තස්ස භගවතො අරහතො සම්මාසම්බුද්ධස්ස

1.

ලංකිස්සරො ජයතු වාරණුරාජගාමී
භොගින්ද්‍රභොග රුවිරායන පීණ බාහු,
සාධුපචාරනිරතො ගුණසන්නිවාසො
ධම්මෙ සීතො වීගතකොධමදාවලෙපො;

2.

යො සබ්බලොකමහිතො කරුණාධිවාසො
මොක්ඛාකරො රවිකුලමිබර පුණ්ණ චන්දො,
ඤ්ඤොයොදධිං සුචිපුලං සකලං විබුද්ධො
ලොකුත්තමං නමථ තං සිරසා මුනින්දං;

3.

සොපානමාලමමලං තිදසාලයස්ස
සංසාර සාගරසමුත්තරණාය සෙතුං,
සබ්බාගතීභය විචජ්ජිත බෙම මග්ගං
ධම්මං නමස්සථ සදා මුනිනා පණිතං;

4.

දෙය්‍යං තදප්පමපි යත්ථ පසන්න චිත්තා
දත්වා නරා ඵලමුළාරතරං ලභන්තෙ,
තං සබ්බදා දසබ්බලෙනපි සුප්පසත්ථං
සඬ්ඝං නමස්සථ සදාමිතපුඤ්ඤබෙත්තං;

5.

තෙජො බලෙන මහතා රතනත්තයස්ස
ලොකත්තයං සමධිගච්ඡති යෙන මොක්ඛං,
රක්ඛා න චත්ථී ච සමා රතනත්තයස්ස
තස්මා සදා භජථ තං රතනත්තයං භො;

6.

ලංකිස්සරො පරහිතෙකරතො නිරාසො
රත්තිමිපි ජාගරරතො කරුණාධිවාසො,
ලොකං විබොධයති ලොකහිතාය කාමං

ධම්මං සමාවරථ ජාගරියානුයුත්තා;

7.

සත්තොපකාර නිරතා කුසලෙ සභායා
භො දුල්ලභා භූවි නරා විහතප්පමාදා,
ලංකාධිපං ගුණධනං කුසලෙ සභායං
ආගම්ම සංවරථ ධම්මමලං පමාදං;

8.

ධම්මො තිලොක සරණො පරමො රසානං
ධම්මො මහග්ග්ගරතනො රතනෙසු ලොකෙ,
ධම්මො භවෙ තිභවදුක්ඛ විනාසහෙතු
ධම්මං සමාවරථ ජාගරියානුයුත්තා;

9.

නිද්දං විනොදයථ භාවයථප්පමෙය්‍යං
දුක්ඛං අනිච්චම්පි වෙහ අනත්තකඤ්ච,
දෙහෙ රතිං ජහථ ජ පජ්ජරභාජනාභො
ධම්මං සමාවරථ ජාගරියානුයුත්තා;

10.

ඔකාස මජ්ජ මම නත්ථි සුචෙ කර්ස්සං
ධම්මං ඉතීහලසතා කුසලප්පයොගෙ,
නා'ලං තියද්ධසු තථා භුවනත්තයෙ ච
කාමං න චත්ථි මනුජො මරණො පමුත්තො;

11.

බිත්තො යථා නහසි කෙනවිදෙව ලෙඩ්ඬු
භූමිං සමාපත්ති භාරතයා ඛණෙන,
ජාතත්තමෙව ඛලු කාරණමෙකමත්‍ර
ලොකං සදා නත්‍ර ධූවං මරණාය ගන්තුං;

12.

කාමං නරස්ස පතතො ගිරිමුද්ධනාතො
මජ්ඣෙකෙ න කිඤ්චි භයනිස්සරණාය හෙතු,
කාමං චජන්ති මරණං තිභවෙසු සත්තා
භොගෙ රතිං පජ්ඣතාපි ච ජීවිතෙ ච;

13.

කාමං පතන්ති මහියා බලු වස්සධාරා
විජ්ජුල්ලතා විතතමෙස මුඛා පමුත්තා,
එවං නරා මරණභීම පපාතමජ්ඣෙ
කාමං පතන්ති නහි කොචි භවෙසු නිව්චො;

14.

වෙලාතටෙ පටුතරොරු තරංගමාලා
නාසං වජන්ති සතතං සලිලාලයස්ස,
නාසං තථා සමුපයන්ති නරාමරානං
පාණානි දාරුණතරෙ මරණොදධිමිහි;

15.

රුද්ධොපි සො රථවරස්සගජාධිපෙනි
යොධෙනි වාපි සබලෙනි ච සායුධෙනි,
ලොකං විචංචිය සදා මරණුසහො සො
කාමං නිහන්ති භුවනත්තය සාලි දණ්ඩං;

16.

හො මාරුතෙන මහතා විහතො පදීපො
බ්ඡපං විනාස මුඛමෙනි මහජ්ජහොපි,
ලොකෙ තථා මරණචණ්ඩ සමීරණෙන
බ්ඡපං විනස්සති නරායුමහා පදීපො;

17

රාමජ්ජනජපභුති භූපති පුංගවා ච
සුරා පුරෙ රණමුඛෙ විජිතාරි සඬ්ඝා,
තෙහි චණ්ඩ මරණොස නිමුග්ගදෙහා
නාසං ගතා ජගති කෙ මරණා පමුත්තා?

18.

ලක්ඛී ච සාගරපටා සධරාධරා ච
සම්පත්තියො ච විවිධා අපි රූපසොහා,
සබ්බා ච තා අපි ච මිත්තසුතා ච දාරා
කෙ වාපි කං අනුගතා මරණං වජන්තං?

19.

බ්‍රහ්මාසුරාසුරගණා ච මහානුභාවා
ගන්ධබ්බකින්නරමහොරගරක්ඛසා ච,
තෙ වා පරෙ ච මරණග්ගිසිඛාය සබ්බෙ
අත්තෙ පතන්ති සලහා ඉව ඛිණපුඤ්ඤා;

20.

යෙ සාරිපුත්තපමුඛා මුනිසාවකා ච
සුද්ධා සදාසවනුදා පරමිද්ධිපත්තා,
තෙ වාපි මච්චුවළහා මුඛ සන්නිමුග්ගා
දීපානිවානලහතා ඛයතං උපෙතා;

21.

බුද්ධාපි බුද්ධකමලාමලවාරුනෙත්තා
බත්තිංසලක්ඛණ විරාජිත රූපසොහා,
සබ්බාසවක්ඛයකරාපි ච ලොකනාථා
සම්මද්දිතා මරණමත්තමහාගජෙන;

22.

රොගාතුරෙසු කරුණා න ජරාතුරෙසු
බ්බිඬාපරෙසු සුකුමාරකුමාරකෙසු,
ලොකං සදා භනති මච්චු මහාගජීන්ද්‍රො
දවානලො චනම්වාචරතං අසෙසං;

23.

ආපුණ්ණතා න සලිලෙ න ජලාසයස්ස
කට්ඨස්ස වාපි බහුතා න හුතාසනස්ස,
භුත්වාන සො තිභුවනමිපි තථා අසෙසං
හො නිද්දයො න බලු පිතිමුපෙති මච්චු;

24.

හො මොහ මොහිතතයා විචසො අධඤ්ඤො
ලොකො පතත්‍යපිපි මච්චුමුඛෙ සුභිමෙ,
හොගෙ රතිං සමුපයාති නිහිතපඤ්ඤො
දොලා තරඬිගචපලෙ සුපිනොපමෙයො;

25.

එකොපි මව්වුරහිහන්තුමලං තිලොකං
කිං නිද්දයා අපි ජරාමරණානුයායි,
කො වා කරෙය්‍ය විහසුවෙසු ව ජීවිතාසං
ජාතො නරො සුපින සංගම සන්තිහෙසු;

26.

නිව්වාතුරං ජගදිදං සහයං සසොකං
දිස්වා ව කොධමදමොහජරාහිභූතං,
උබ්බෙගමත්තමපි යස්ස න විජ්ජතී වෙ
සො දාරුණොන මරණං වත තං ධිරත්ථු!
හො හො න පස්සථ ජරාසිධරඤ්ඤි මව්වු
මාහඤ්ඤමානමබ්බිලං සතතං තිලොකං,
කිං නිද්දයා නයථ චිතහයා තියාමං
ධම්මං සදා'සවනුදං වරථ'ප්පමත්තා;

28.

භාවෙථ හො මරණමාරවිච්ඡ්ජනාය
ලොකෙ සදා මරණ සඤ්ඤමිමං යතත්තා,
එවඤ්ඤි භාවනරතස්ස නරස්ස තස්ස
තණ්හා පහියති සරිරගතා අසෙසා;

29.

රූපං ජරා පියතරං මලිනීකරොති
සබ්බං බලං හරති අත්තනි ඝොරරොගො,
නානුපභොග පරිරක්ඛිත මත්තභාවං
හො මව්වු සංහරති කිං ඵලමත්තභාවෙ?

30.

කම්මානිලාපහතරොගතරංගහංගෙ
සංසාර සාගර මුඛෙ විතතෙ විපන්තා,
මා මාපමාදමකරිත්ථ කරොථ මොක්ඛං
දුක්ඛොදයො නනු පමාදමයං නරානං;

31.

හොගා ව මිත්තසුතපොරිස ඛන්ධවා ව
නාරී ව ජීවිතසමා අපි ඛෙත්තවත්ථු,
සබ්බානි තානි පරලොකමිතො වජන්තං

නානුබ්බජන්ති කුසලාකුසලංව ලොකෙ;

32.

භො විජ්ජුචංචලතරෙ භවසාගරමිහි
බිත්තා පුරා කතමභාපවනෙන තෙන,
කාමං විහිජ්ජති බණෙන සරීරනාචා
හත්ථෙ කරොථ පරමං ගුණහත්ථසාරං;

33.

නිච්චං විහිජ්ජතිහ ආමක භාජනංව
සංරක්ඛිතොපි බහුධා ඉහ අත්තභාවො,
ධම්මං සමාවරථ සග්ගපතිජ්ජතිට්ඨං
ධම්මො සුචිණ්ණමිහමෙව ඵලං දදාති;

34.

රන්ත්වා සදා පියතරෙ දිවි දෙවරජ්ජෙ
නම්භා චවන්ති විබුධා අපි බිණුපුඤ්ඤා,
සබ්බං සුඛං දිවි භුවිහ වියොගනිට්ඨං
කො පඤ්ඤවා භවසුබ්බෙසු රතිං කරෙය්‍ය?

35.

බුද්ධො සසාවකගණො ජගදෙකනාථො
තාරාවලිපරිවුතොපි ච පුණ්ණවන්දො,
ඉන්දොපි දෙවමකුටංකිත පාදකඤ්ජො
කො ථෙණපිණ්ඩ-න-සමො තිහවෙසු ජාතො?

36.

ලීලාවතංසමපි යොබ්බන රූපසොභං
අත්තූපමං පියජනෙන ච සම්පයොගං,
දිස්වාපි විජ්ජුචපලං කුරුතෙ පමාදං
භො මොහමොහිතජනො භවරාගරත්තො;

37.

පුත්තො පිතා භවති මාතු පතීහ පුත්තො
නාරි කදාපි ජනනී ච පිතා ච පුත්තො,
ඵචං සදා විපරිචත්තති ජීවලොකො
විත්තෙ සදාතිචපලෙ බලු ජාතිරඬිගෙ;

38.

රත්ත්වා පුරෙ විවිධචුල්ලලතාකුලෙනි
දෙවාපි නන්දනවනෙ සුරසුන්දරීහි,
තෙ වෙ'කදා විතතකණ්ටකසංකටෙසු
හො කොටිසිම්බලිවනෙසු ඵ්‍රසන්නි දුක්ඛං;

39.

භුත්වා සුධන්තමපි කඤ්චනභාජනෙසු
සග්ගෙ පුරෙ සුරවරා පරමිද්ධිපත්තා,
තෙ වාපි පජ්ජලිතලොහගුලං ගිලන්ති
කාමං කදාචි නරකාලය වාසභුතා;

40.

භුත්වා නරිස්සරවරා ච මහිං අසෙසං
දෙවාධිපා ච දිවි දිබ්බසුඛං සුරම්මං,
වාසං කදාචි බුරසඤ්චිතභූතලෙසු
තෙ වා මහාරථගණානුගතා දිවිහ;

41.

දෙවඬිගතා ලලිතභින්නතරඬිගමාලෙ
රඬිගෙ මහිස්සරජටාමකුටානුයාතෙ,
රත්ත්වා පුරෙ සුරවරා පමදාසභායා
තෙ වාපි සොරතරවෙතරණිං පතන්නි;

42.

චුල්ලානි පල්ලවලතාඵලසංකුලානි
රම්මානි නන්දනවනානි මනොරමානි,
දිබ්බච්ඡරාලලිතපුණ්ණදරිමුඛානි
කෙලාසමෙරුසිඛරානි ච යන්නි නාසං;

43.

දොලා'නිලා'නලතරංගසමා හි හොගා
විජ්ජුප්පභාතිවපලානි ච ජීවිතානි,
මායාමරිච්ඡලසොමසමං සරීරං
කො ජීවිතෙ ච විභවෙ ච කරෙය්‍ය රාගං?

44.

කිං දුක්ඛමත්ථී න භවෙසු ව දාරුණෙසු
සත්තොපි තස්ස විවිධස්ස න භාජනො කො,
ජානො යථා මරණරොගජරාහිභූතො
කො සජ්ජනො භවරතීං පිහයෙය්‍ය'බාලො?

45.

කෙ වාපි පජ්ජලිතලොභගුලං ගිලන්ති
සක්කා කථඤ්චිදපි පාණිතලෙන හිමං,
දුක්ඛොදයං අසුචිනිස්සවනං අනන්තං
කො කාමයෙථ බලු දෙහමීමං අබාලො?

46.

ලොකෙ න මච්චුසමමත්ථී භයං නරානං
න ව්‍යාධිදුක්ඛසමමත්ථී ච කිංචි දුක්ඛං,
එවං විරූපකරණං න ජරාසමානං
මොහෙන හො රතිමුපෙති තථාපි දෙහෙ;

47.

නිස්සාරතො නලකලීකදලීසමානං
අත්තානමෙව පරිභඤ්ඤති අත්තහෙනු,
සම්පොසිතොපි කුසභාය ඉවාකතඤ්ඤා
කායො න යස්ස අනුගච්ඡති කාලකෙරා;

48.

තං චේණපිණ්ඩසදිසං විසසුලකප්පං
තොයා'නිලා'නලමහීඋරගාධිවාසං,
ජිණ්ණාලයංව පරිදුබ්බලමත්තභාවං
දිස්වා නරො කථමුපෙති රතීං සපඤ්ඤො?

49.

ආයුක්ඛයං සමුපයාති බණෙ බණෙපි
අන්වෙති මච්චු හනනාය ජරාසිපාණි,
කාලං තථා න පරිවත්තති තං අතීතං
දුක්ඛං ඉදං නනු භවෙසු අවිත්තනීයං?

50.

අප්පායුකස්ස මරණං සුලභං භවෙසු
දීඝායුකස්ස ච ජරා ව්‍යසනං ච'නෙකං,
එවං භවෙ උභයතොපි ච දුක්ඛමෙව
ධම්මං සමාවරථ දුක්ඛවිනාසනාය;

51.

දුක්ඛග්ගිනා සුමහතා පරිපිළිතෙසු
ලොකත්තයස්ස වසතො භවචාරකෙසු,
සබ්බත්තතා සුවරිතස්ස පමාදකාලො
හො හො න හොති පරමං කුසලං විණාථ;

52.

අප්පං සුඛං ජලලවං විය හො තිණග්ගෙ
දුක්ඛන්තු සාගරජලං විය සබ්බලොකෙ,
සංකප්පනා තදපි හොති සභාවතො හි
සබ්බං තිලොකමපි කෙවලදුක්ඛමෙව;

53.

කායො න යස්ස අනුගච්ඡති කායහෙතු
බාලො අනෙකවිධමාවරතීහ දුක්ඛං,
කායො සදා කලි මලාකලිලඤ්ඤි ලොකෙ
කායෙ රතො'නවරතං ව්‍යසනං පරෙති

54.

මිළ්භාකරං කලිමලාකරමාමගන්ධං
සුළාසිසල්ලවිසපන්නගරොගභූතං,
දෙහං විපස්සථ ජරාමරණාධිවාසං
තුච්ඡං සදා විගතසාරම්මං විනින්ද්‍යං;

55.

දුක්ඛං අනිච්චමසුභං වත අත්තභාවං
මා සංකිලෙසය න විජ්ජති ජාතු නිච්චො,
අම්මො න විජ්ජති හි අප්පමපීහ සාරං
සාරං සමාවරථ ධම්මමලං පමාදං;

56.

මායාමරිචිකදලීනලචේණුපුඤ්ජ-
ගංගාතරඬිගජලබුබුලසන්නිහෙසු,
බන්ධෙසු පඤ්චසු ඡළායතනෙසු තෙසු
අත්තා න විජ්ජති හි කො න වදෙය්‍ය 'බාලො?

57.

වඤ්ඤාසුතො සසවිසාණමයෙ රථෙ තු,
ධාවෙය්‍ය වෙ චිරතරං සධුරං ගහෙත්වා,
දීපච්චිමාලමිව තං බණ්ඩගහුතං
අත්තාති දුබ්බලතරන්තු වදෙය්‍ය දෙහං;

58.

බාලො යථා සලීලබුබුලභාජනෙන
ආකණ්ඨතො වත පිබ්බෙය්‍ය මරිචිතොයං,
අත්තාති සාරරහිතං කදලීසමානං
මොහා භණ්ණෙය්‍ය බලු දෙහමීමං අනත්තං;

59.

යො'දුම්බරස්ස කුසුමෙන මරිචිතොයං
වාසං යදිච්ඡති ස බ්බෙදමුපෙති බාලො,
අත්තානමෙව පරිහඤ්ඤති අත්තහෙතු
අත්තා න විජ්ජති කදාවිදපිහ දෙහෙ;

60.

පොසො යථා හි කදලී සුවිනිබ්බුජන්තො
සාරං තදප්පමිපි නොපලභෙය්‍ය කාමං,
බන්ධෙසු පංචසු ඡළායතනෙසු තෙසු
සුඤ්ඤෙසු කිඤ්චිදපි නොපලභෙය්‍ය සාරං;

61.

සුත්තං විනා න පටභාවමිහත්ථි කිංචි
දෙහං විනා න බලු කොචි මිහත්ථි සත්තො,
දෙහො සභාවරහිතො බණ්ඩංගයුත්තො,
කො අත්තහෙතු අපරො භූචි විජ්ජතිහ?

62.

දිස්වා මරිචිසලිලඤ්ඤි සුදුරතො හො
බාලො මිගො සමුපධාවති තොයසඤ්ඤී,
එවං සභාවරහිතෙ විපරිතසිද්ධො
දෙහෙ පරෙති පරිකප්පනායා හි රාගං;

63.

දෙහෙ සභාවරහිතෙ පරිකප්පසිද්ධො
අත්තා න විජ්ජති හි විජ්ජමිවන්තලික්ඛො,
භාවෙඨ භාවනරතා විගතප්පමාදා
සබ්බාසවප්පහනනාය අනත්තසඤ්ඤං;

64.

ලාලාකරීසරුධිරස්සුවසානුලිත්තං
දෙහං ඉමං කලිමලාකලිලං අසාරං,
සත්තා සදා පරිහරන්ති ජිගුච්ඡනීයං
නානාසුචිහි පරිපුණ්ණසං යටෙව;

65.

භුහාත්වා ජලඤ්ඤි සකලං චතුසාගරස්ස
මෙරුප්පමාණමපි ගන්ධමනුත්තරඤ්ච,
පප්පොති නෙව මනුජො හි සුචිං කදාපි
කිං හො විපස්සථ ගුණං කිමු අත්තභාවෙ?

66.

දෙහො ස එව විවිධාසුචිසන්තිධානො
දෙහො ස එව වධබන්ධනරොගභූතො,
දෙහො ස එව නවධා පරිහින්නගණ්ඨො
දෙහං විනා භයකරං න සුසානමත්ථි;

67.

අන්තොගතං යදිව මුත්තකරීසභාගො
දෙහා බහිං අතිවරෙය්‍ය විනික්ඛමිත්වා,
මාතා පිතා විකරුණා ච විනට්ඨපෙමා
කාමං භවෙය්‍යු කිමු බන්ධුසුතා ච දාරා?

68.

දෙහං යථා නවමුඛං කිම්සඬ්ඝගෙහං
මංසට්ඨිසෙදරුධිරාකලිලං විගන්ධං,
පොසෙන්නි යෙ විවිධපාපමිභාවරින්වා
තෙ මොහිතා මරණධම්මමහො වතෙවං!

69.

ගණ්ඨුපමෙ විවිධරොග නිවාසභූතෙ
කායෙ සදා රුධිරමුත්තකරීසපුණ්ණෙ,
යො එත්ථ නන්දති නරො සසිගාලහක්ඛෙ
කාමඤ්ඤි සොචති පරත්ථ ස බාලබුද්ධි;

70.

හො ඵෙණපිණ්ඩසදිසො විය සාරභීනො
මිළ්භාලයො විය සදා පටිකුලගන්ධො,
ආසිවිසාලයනිහො සහයො සදුක්ඛො
දෙහො සදා සචති ලොණසටොච හින්තො;

71.

ජාතං යථා න කමලං භූවි නින්දනීයං
පඬිකෙසු හො අසුචිතොය සමාකුලෙසු,
ජාතං තථා පරහිතමිපි ව දෙහභූතං
තං නින්දනීයමිහ ජාතු න හොති ලොකෙ;

72.

ද්වත්තිංසභාගපරිපූරතරො විසෙසො
කායො යථා හි නරනාරි ගණස්ස ලොකෙ,
කායෙසු කිං ඵලමිහත්ථි ව පණ්ඩිතානං
කාමං තදෙව නනු හොති පරොපකාරං;

73.

පොසොන පණ්ඩිතතරෙන තථාපි දෙහො
සබ්බත්තනා චිරතරං පරිපාලනීයො,
ධම්මං චරෙය්‍ය සුවිරං බලු ජීවමානො
ධම්මෙ හවෙ මණ්ඩවරො ඉව කාමදො හො

74.

බීරෙ යථා සුපරිභාවිතමොසධම්භි
ස්තෙනෙන ඔසධබලං පරිභාසතෙව,
ධම්මො තථා ඉහ සමාවරිතො හි ලොකෙ
ජායාව යාති පරලොක මිතො චජන්තං;

75.

කායස්ස හො විරචිතස්ස යථානුකූලං
ජායා විභාති රුචිරාමලදප්පණෙ තු,
කත්වා තථෙව පරමං කුසලං පරත්ථ
සම්භූසිතා ඉව භවන්ති ඵලෙන තෙන;

76.

දෙහෙ තථා විවිධදුක්ඛ නිවාසභූතෙ
මොහා පමාදවසගා සුඛසඤ්ඤමූල්භා,
තික්ඛෙ යථා ධුරමුඛෙ මධුලෙහමානො
බාල්භඤ්ච දුක්ඛමනුගච්ඡති භීතපඤ්ඤො;

77.

සංකප්පරාගවිගතෙ නිරතත්තභාවෙ
දුක්ඛං සදා සමධිගච්ඡති අප්පපඤ්ඤො,
මූල්භස්ස චෙව සුඛසඤ්ඤමිහත්ථිලොකෙ
කිංපක්කමෙව නනු හොති විචාරමානෙ;

78.

සබ්බොපහොග ධනධඤ්ඤවිසෙසලාභී
රූපෙන හො ස මකරද්ධපසන්නිහොපි,
යො යොබ්බතෙපි මරණං ලහතෙ අකාමං
කාමං පරත්ථපරපාණහරො නරො හි;

79.

සො යාවකො භවති භින්තකපාලහත්ථො
මුණ්ඛො ධිගක්ඛරසතෙහි ච තප්පයන්තො,
හික්ඛං සදාරිභවතෙ සකුචෙලවාසො
දෙහෙ පරත්ථි පරචිත්තහරො නරො යො;

80.

ඉන්ථි නමුඤ්චති සදා පුන ඉන්ථිභාවා
නාරි සදා භවති සො පුරිසො පරත්ථ,
යො ආචරෙයා පරදාරමලඬිසනීයං
සොරඤ්ච චින්දති සදා වාසනඤ්ච නෙකං;

81.

දීනො විගන්ධවදනො ච ජළො අපඤ්ඤො
මුගො සදා භවති අප්පියදස්සනො ච,
පප්පොති දුක්ඛමතුලඤ්ච මනුස්සභූතො
වාචං මුසා භණති යො හි අපඤ්ඤසත්තො;

82.

උම්මත්තකා විගතලජ්ජගුණා භවන්ති
දීනා සදා වාසනසොකපරායණා ච,
ජාතා භවෙසු විවිධෙසු විරූපදෙහා
පින්වා හලාහලවිසංච සුරං විපඤ්ඤා;

83.

පාපාති යෙන ඉහ ආචරිතාති යාති
යො වස්සකොට්ඨභූතාති අනප්පකාති,
ලද්ධාන සොරමතුලං නරකෙසු දුක්ඛං
පප්පොති චෙත්ථ විවිධවාසනඤ්ච නෙකං;

84.

ලොකත්තයෙසු සකලෙසු සමං න කිංචි
ලොකස්ස සන්තිකරණං රතනත්තයෙන,
තංතෙජසා සුමහතා ජිතසබ්බපාපො
සොභං සදාධිගතසබ්බසුඛො භවෙය්‍යං;

85.

ලොකත්තයෙසු සකලෙසු ච සබ්බසත්තා
මිත්තා ච මජ්ඣරිපුබන්ධුජනා ච සබ්බෙ,
තෙ සබ්බදා විගතරොගහයා විසොකා
සබ්බං සුඛං අධිගතා මුදිතා භවන්තු;

86.

කායො කරිසහරිතො විය හින්නකුම්භො
කායො සදා කලිමලවාසනාධිවාසො,
කායෙ විහඤ්ඤති ව සබ්බසුඛන්ති ලොකො
කායො සදා මරණරොගජරාධිවාසො;

87.

සො යොබ්බනොති ථවිරොති ව බාලකොති
සත්තෙ න පෙක්ඛති විහඤ්ඤතිරෙව මච්චු,
සොහං ඨිතොපි සයිතොපි ව පක්කමන්තො
ගච්ඡාමි මච්චුවදනං නියතං තථා හි;

88.

එවං යථා විහිතදොසමිදං සරීරං
නිච්චං ව තග්ගතමනා හදයෙ කරොථ,
මෙත්තං පරිත්තමසුභං මරණස්සතිඤ්ච
භාවෙථ භාවනරතා සතතං යතත්තා;

89.

දානාදි පුඤ්ඤකිරියානි සුබුද්ධානි
කත්වා ව තම්ඵලමසෙස මිහජ්ජමෙය්‍යං,
දෙය්‍යං සදා පරහිතාය සුඛාය වෙව
කිම්භො තදෙව නනු හත්ථගතඤ්ඤි සාරං?

90.

හෙතුං විනා න භවතී හි ව කිංචි ලොකෙ
සද්දොව පාණිතලසට්ඨනහෙතුජාතො,
එවඤ්ච හෙතුඵල භාවවිභාගහින්තො
ලොකො උදෙනි ව විනස්සති තිට්ඨතී ව;

91.

කම්මස්ස කාරණාමයඤ්ඤි යථා අවිජ්ජා
හො කම්මනා සමධිගච්ඡති ජාතිහෙදං,
ජාතිං පටිච්ච ව ජරාමරණාදිදුක්ඛං
සත්තා සදා පටිලහන්ති අනාදිකාලෙ;

92.

කම්මං යථා න භවතීහ ව මොහනාසා
කම්මක්ඛයාපි ව න භොති භවෙසු ජාති,
ජාතික්ඛයා ඉහ ජරාමරණාදිදුක්ඛං
සබ්බක්ඛයො භවති දීපෙවානිලෙන;

93.

යො පස්සතීහ සත්තං මුනිධම්මකායං
බුද්ධං ස පස්සති නරො ඉති සො අවොච,
බුද්ධඤ්ච ධම්මමලඤ්ච තිලොකනාථං
සම්පස්සිතුං විවිනථා'පි ව ධම්මතං භො;

94.

සල්ලංව භො සුනිසිතං හදයෙ නිමුග්ගං
දොසත්තයං විවිධපාපමලෙන ලිත්තං,
නානාවිධබ්‍යසනභාජනමප්පසන්නං
පඤ්ඤාමයෙන බලිසෙන නිරාකරොථ;

95.

නාකම්පයන්ති සකලාපි ව ලොකධම්මා
චිත්තං සදාපගතපාපකිලෙසසල්ලං,
රූපාදයො ව විවිධා විසයා සමග්ගා
ඵ්ථිඨංව මෙරුසිඛරං මහතානිලෙන;

96.

සංසාරදුක්ඛමගණෙය්‍ය යථා මුනින්දො
ගම්හිරපාරමිත සාගරමුත්තරිත්වා,
ඤ්ඤායං අබොධි නිපුණං හතමොහජාලො
තස්මා සදා පරහිතං පරමං විණාථ;

97.

ඔහාය සො'ධිගතමොක්ඛසුඛං පරෙසං
අත්ථාය සංවරි භවෙසු මහබ්භයෙසු,
ඵචං සදා පරහිතං පුරතො කරිත්වා
ධම්මො මයානුවරිතො ජගදත්ථමෙව;

98.

ලද්දාන දුල්ලහතරඤ්ච මනුස්සයොනිං
සබ්බං පපඤ්චරහිතං ඛණසම්පදඤ්ච,
ඤ්ඤත්වාන ආසවනුදෙකහිතඤ්ච ධම්මං
කො පඤ්ඤවා අනවරං න භජෙය්‍ය ධම්මං?

99.

ලද්දාන බුද්ධසමයං අතිදුල්ලහංච
සද්ධම්ම මග්ගමසමං සිවදං තථෙව,
කල්‍යාණමිත්තපවරෙ මතිසම්පදඤ්ච
කො බුද්ධිමා අනවරං න භජෙය්‍ය ධම්මං?

100.

එවම්පි දුල්ලහතරං විභවෙ සුලද්දා
මච්ඡෙරදොස විරතා උභයත්ථකාමා,
සද්ධාදිධම්මසහිතා සත්තප්පමත්තා
හො! හො! කරොථ අමතාධිගමාය පුඤ්ඤං;



සබ්බදාතං ධම්ම දාතං ජිනාති,
සබ්බරසං ධම්ම රසං ජිනාති;
සබ්බරතීං ධම්ම රතීං ජිනාති
තණ්හාක්ඛයො සබ්බදුක්ඛං ජිනාති

(ධම්මපදය තණ්හා වග්ගො)

ධම්මාරාමො ධම්මරතො - ධම්මං ධුත්ථිච්ඡන්දයං;
ධම්මං ධුත්ථස්සරං නික්ඛු - සද්ධම්මා හ පරිනායති.

(ධම්මපදය නික්ඛු වග්ගො)

ධම්මො පතොසො සුගතාප්පසන්ථො,
තරණීච සංසාර මහණ්ණවස්ස;
බ්‍රහ්මාසුරාදීනි අමස්සනීයෙතා,
රසො රසානං පරමො තිලොක්කො.

මහාගඳො මච්චුපරා පහානො,
සබ්බිනිනාසාය විසෙසමන්තො;
සබ්බන්ති දානෙත ච කප්පරුක්ඛො,
චිත්තාමණී අද්දසටොච ධම්මො.

ධම්මං විනා තන්ති ජිනාච මානා,
තමෙව තාණං සරණං පනිට්ඨා;
තස්මා හි තො කිච්චමඤ්ඤප්පනාය,
සුඤ්ඤාච ධාරෙච වරාච ධම්මෙ.

(භස්වාහිනී)

චිරං නිට්ඨතු ලොකස්මිං - සම්මා සම්බුද්ධ සාසානං!

ධර්ම උත්තම පිණිසයි.....